

Guangjisi Minzcu Bau

ganhhau: CN45-0036 B.2015 Nd.8 Ng.19 liggaueq ietfeih nienz ndwencaet coloeg

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3187期

Lozcwngz:《Sinhvwnz Vahmulauj》 Dem Najrongh Yinx Vunz Yawj

罗城:《侬佬语新闻》引人注目

7 nyied 30 hauh banhaemh, Lozcwngz Mulaujcu Swciyen cingqsik haibo 《Sinhvwnz Vahmulauj》. Ndaw cezmuz neix bouxcujciz daenj ndangdaenj minzcuz, gig ndeiyawj, gangj Vahmulauj, gig ndeidingq, vunzlai yawj le, cungj haenhndei.

Daj bi'gvaq daeuj, Lozcwngz Mulaujcu Swciyen hainduj naemj haibo densi lanzmuz Vahmulauj, daj

bi'gvaq buenq bi laeng couh guh hong bwh hai 《Sinhvwnz Vahmulauj》. Bineix yienh caizcwng anbaiz le 15 fanh maenz, yungh daeuj guh hong haibo densi lanzmuz Vahmulauj, bauj miz cienz haibanh lanzmuz.

Ndaej Swcigih Minzveij、Minz-yijveij、Hozciz Si Minzveij、Minzyijveij roengzrengz bangcoengh, aen yienh neix haenqrengz guh hong bwh

haibo, daengz bineix 7 nyied ndaej haibo.

Densi lanzmuz Vahmulauj haibo le, hawj gih raeuz gyalai aen yienh miz densi lanzmuz vah saujsu minzcuz, neix gig ndei dwk sawj vunzlai Mulaujcu lai ndaenggon, gya miz saenqsim, doiq daengx yienh minzcuz doxgiet gig mizyung.

(Lungz Yenjhungz/龙远宏)

Lungzswng: Lwngnyez Baijyienj Ndangdaenj Minzcuz

龙胜:少儿模特尽秀民族风



8 nyied 13 hauh banhaet, youq Lungzswng Gak Cuz Swciyen vwnzva lijdangz, gyoengq nyez iq daenj ndangdaenj minzcuz, baijyienj hawj vunzlai yawj, ndeiyawj raixcaix. Ciuq cam rox, youq duenh sujgyaj, aen yienh neix gyaueyuz nem vwnzva bumwnz cujcz hagseng guh hozdung, hawj gyoengqde ndaej mienxfaiq beizyin suhfaz、vehveh、diuqfoux、yalingyingz、vwnzyi biujyienj daengj hozdung, hawj hagseng gvaq sujgyaj youh angq youh hag ndaej dinfwngz. Ndaw doz dwg gyoengq mozdwx iq cingq baijyienj ndangdaenj minzcuz.

(Banh Cisiengz/潘志祥 ingj)

Hocouh Si Fuzbinz Haifat Dieg Saujsu Minzcuz Cingzcik Hung

贺州市少数民族聚居区扶贫开发成效大

Gaenh bi daeuj, Hocouh Si gyagiengz doxvang lienzhaeh, lai bumwnz caez haenqrengz, baihgwnz bued hawj cienzngeanz gyalai haujlai. 2014 nienz ceng ndaej swcigih bued hawj gij cienzngeanz fuzbinz dieg minzcuz 8333 fanh maenz, beij 2013 nienz 6222 fanh maenz gyalai 34%. Ndawde ceng ndaej Swcigih Minzveij bued hawj cienzngeanz hwnghat saujsu minzcuz ndaw si 335 fanh maenz, beij 2013 nienz 282 fanh maenz gyalai 18.79%. Ndaej gij cienzngeanz neix le aen si neix gaenxmaenx comz ndei swwhyen, sawj gij cienzngeanz neix cinjdeng dwk yungh youq dieg

minzcuz guh gihcu j sezsih nem canjyez fuzbinz hanghmoeg, mbouj-duenh gajnde saijsu minzcuz minzswng.

Ciuq gyoepsuenq, gaenh bi daeuj, daengx si roengz 2.43 ik maenz cienzngeanz caizcwng fuzbinz dieg saujsu minzcuz, coihguh roen mbanj gaep 1233 diuz 3102 goengleix, guh giuz 166 aen 2927 mij, 212 aen cunh saujsu minzcuz comzyouq cienzbouh doeng goengloh, gajgez 67 fanh ginzcong byaij roen hoj vwndiz; guh vunz nem doihduz gwnraemx gungh-cwngz 206 giz、daemzraemx 293 aen, gajgez 28.15 fanh vunz saujsu

minzcuz gwnraemx vwndiz; hwnjguh daemzcaujgi 28593 aen, 14.29 fanh vunz souh'ik; hwnjguh reihnaz suijli aenfa i q 29 aen, mieng i q 5171 mij, ndaej dwkraemx coq reihnaz 3150 moux, 1.6 fanh vunz souh'ik; bangcoengh lajmbanj ranz daegbied gungzhoj gajguh ranzyiemj 537 hoh, gajgez youq ranz vwndiz. Doenggvaq guh buek hozdung fuzbinz haifat, mizyauq dwk daezsang vunz saujsu minzcuz daezsang swngghoz suijbingz, daengx si vunz saujsu minzcuz moix boux cinghsouhaeuj daj 2002 nienz 625 maenz gyalai daengz 2014 nienz 3500 maenz. (Moz Veijginh/莫伟军)

SIUSIK DINJ

简讯

● Duenh neix, Dughlanz Yen heuh ndaw yienh bouxcuz yozliz sang nem bouxcuz hab nienzeij bauqmingz dangbing. Daengz 8 nyied 13 hauh, daengx yienh miz 938 boux vunzcoz bauqmingz dangbing, ndawde 892 boux hab diuzgen, daconh yozliz doxhwnj miz 108 boux, vunz saujsu minzcuz 822 boux, ciemq 92.2%.

(Veiz Swngyang)

● 8 nyied 11 hauh banhaet, Yougyangh Gih Minzcuzgiz youq Bwzcwngz Gaihdau Vwnzmingz Segih hai vunz minzcuz codanzvei. Ndaw si doengboux vunz minzcuz gungh 32 boux camgya, baugvat Bouxcuengh、Bouxgun、Yauz-cuz、Dungcuz、Suijcu、Veizcu、Bwzcuz、Dujcu daengj. Gyoengqde miz maz gangj maz, doxyaeng seizdaih ciuhneix baenzlawz guh ndei hong minzcuz ndawsingz.

(Yougyangh Gih Minzcuzgiz)

● Daengz 8 nyied 7 hauh, Binggoj Yen ciuq faplwd hengz, hawj 105 hoh gyau sui (danhvei roxnaeuz gakvunz) gemjnoix ngaenz sui 1340 fanh maenz, doengzbeij gyalai 35%. Gak cungj suisouh youhvei cwngcwz ndaej cienzmienh saedhengz, hawj doenghgij hoh gyau sui youq dieg minzcuz gyau sui ndaej souh'ik.

(Lij Gyanghlanz)

● Bineix, Denhdwngj Yen suijcanj cuzmuzyez guh hong-saeh ok diemjrongh lai, cwngz-yau yienhda. Daj bineix daeuj, aen yienh neix cuzmuzyez cungjanciz 36397 fanh maenz, doengzbeij gyalai 3.2%.

(Vangz Lilanz)

● Daj 2007 nienz daengz seizneix, Libuj Yen gungh soucomz feihvuzciz vwnzva yizcanj saenqsik 1012 diuz, diucuz hanghmoeg 51 aen, laeb sugigu caemhcai souloeg hanghmoeg 5 aen, yaemsiengq swhliu 5 faenh, caizliu cihsaw 10 fanh lai cih, bien nem okbanj buek saw go、fwen daengj saw cienmonz ndeu. Daengx yienh gunghbu yienh gaep feihvuzciz vwnzva yizcanj henho mingzloeg 5 aen、si gaep mingzloeg 3 aen, swcigih gaep 2 aen.